



Tan eshi-natuenitakanit ?

Tshipa tshi :

- shakassinan anite ut atusseu-katshitapatakanit programmeproches.ca
- katshitinen peik⁴ mashinaikanuan e akunakanit PDF eshi-uitakanit anite tshe natuenitamin atusseu-katshitapatakanit ume etashtet demande@programmeproches.ca
- katshitinen e akunakanit ne mashinaikanuan ute aimini Centre d'aide aux victimes d'actes criminels (CAVAC) anite ut tshitapatakanit mashinaikanitshuap CAVAC tshitassiat, kie ma anite ut natuenitamini atusseu-katshitapatakanit ume etashtet demande@programmeproches.ca

Tshetshi uitshikauin :

Les Centres d'aide aux victimes d'actes criminels
(CAVAC): [1-866-LE CAVAC \(532-2822\)](tel:1-866-LE-CAVAC)

Association des familles de personnes assassinées ou disparues
(AFPAD): [1-877-484-0404](tel:1-877-484-0404)

MADD Canada (Mères contre l'alcool au volant):
[1-877-392-6233](tel:1-877-392-6233)

Ka unuipanitakanit tshe
ishipimutenanut
Uepishtikueiau-assit tshe
kueshte minakaniht
shunianu anitshenat ka
uniaht uikanishuaua
katshi uitakanit tekuaq ne
mishta-matshi-tutamu

Tshekuan ne ?

Ne ka unuipanitakanit tshe ishi-pimutenanut auen kueshte tshetshi tshishikuakanit, mitshetuut nenu mamu ka atusseshtahk e uauitshiaht nenua kamatshi-tutuakanniti mak nenua pessish tshanuetaminiti. Umenu tshitapatamuut tshetshi tshishikashunanunit upushunau, tshetshi mitshishuht, anite tshe nipaht mak anite tshe ashtaht utapannu anitshenat pessish ka tshinuemaht nenua kamishta-matshi-tutuakanniti ka nipiniti tshetshi ut uauitshiaushiht anite tshe pimipanitakannit anite kauaeshtakanit.

Tshekuan ma ne ?

Eshakumipipuna ute Uepishtikueiau-assit, mitshet auenitshenat unieuat uikanishuaua anite e takuannit mishta-matshi-tutamun. Ne ka ishpanit, muk^u e uitakanit anite kauaeshtakanit, mishta-shuniaunnu anitshenat pessish ka tshinuetaht tshetshi ut eka meshtinitishuht anite ua ituteht kauaeshtakannit, kie ma tshetshi eka tshi ituteht kauaeshtakannit eka e ishpaniht shunianu.

Auen ituteti kauaeshtakannit tshipa tshi katshitanam^u passe aimuna mak tshetshi uitshikuht tshetshi ut tshitimauenimakanit ne ka nipit. lapit ne tshipa tshi uitshieu tshetshi nashatakanit tshetshi minuinnit auen ka uniat uikanisha.

Auen nenu kiatshtaukut ?

Kassinu auen pessish ka tshinuemat nenua ka nipiniti katshi anite takuak mishta-matshi-tutamun tshipa tshi natuenitam^u tshetshi uauitshiakanit. « Pessish ka tshinuemat », eukuan ka makupishut anite ka ut inniuh, ka makupishut anite ut nipaunit, kie ma muk^u eshinakuannit eshi-makupishuht ashit nenua ka nipiniti (miam mate : uitsheukanitutuht, tan ua ishi-utinitishuht).

Ushkat auen tshe ui uauitshiakanit, eukuan uetshit uikanisha :

- Auen utishkuema, unapema ne ka nipit
- Utauassima ne ka nipit
- Utauia, ukauia ne ka nipit
- Ushtesha, umisha, ushima ne ka nipit
- Umushuma, ukuma ne ka nipit

Nish^u ka tshinuemaht (nenua ka nipiniti) tshipa tshi natuenitamuut (tshetshi uitshiakaniht). Kassinu auen ka natuenitak tshetshi uitshiakanit tshika tshi pushipanieu nenua tshe uitsheukut uin ka naushunat tshetshi kueshte tshishikuakanniti tshe ishpish meshtinaminiti e ashu-pitukaiaht anite nenu uin ishpish katshitanak 2000 \$.



Eshi-natuenitakanit tshetshi nashakanit

- Nenua eshinakuaki tshetshi kushte tshishikashunanuti ute umenu papeik^u e uitakaniti tshe ishpish pimipanitakanit kauaeshtakanit;
- Ne kamishta-matshi-tutakanit, ute Ueupishtikueiau-assit tshika ui ishpanu;
- Tshetshi pushipanit auen anite ne ka unuipanitakanit tshe ishi-pimutenanut tshetshi uauitshiakanit auen, apu muk^u uitakanit kanapatatshenanut, umenua uitakanua kassinu anite ka takuaki kamishta-matshi-tutakaniti e nipaikanit auen, papashek^u auen ka tutuakanit mak e kushtikushit auen e pimipaniat utapannu nuash e nipaiaht auennua.

Tan ishpish tshi natuenitakanit (auen tshetshi uitshiakanit) ?

Uipat tshetshi natuenitak auen anite uet tshitshipanit kauaeshkannit anu e mishta-ashtakanit : Katshi kutuasht tatupishimua uieueshiakanit ne kapatashtauakanit

Kie ma

Katshi nishuminashtakana (2) eshk^u eka tshitshipanit ne ka mishta-itenitakuak (kap-ishitshatak pitama natu-tshissenitam^u tshetshi ma ishpanikue tshekuan tshetshi ashpitsh-ishimuatshenanut eshi-atamenimakanit auen, kauaeshtakanit kie ma ka ashu-pimipaniakanit e uitak auen petashtautishut kie ma mauat)

Tan eshpenitakuak kueshte auen tshe ui tshishikuakanit ?

Upushunam, e mitshishut, anite tshe nipat mak anite tshe ashtat utapan, eukuannua nenua kau tshe tshishikashunanunit ka ishpish meshtinak. Anu e patshitanaknait 2000\$ peik^u auen ka natuenitak (tshetshi uitshiakanit). Eukuan ne tshe ishpish ui tshishikashunanut uin mak nenua ka uitsheukut.

Ishinakuanniti ne pessish ka tshinuemat (nenua ka nipiniti) pimipaniakaniti kauaeshtakannit, tshe ishpish meshtinak, uenua tshika aitutaku DPCP (netakassa tshe ui tshishikashuht kauapatitsheht).